



Universitätsbibliothek Paderborn

**De Honore, Dignis Vel Indignis, Jvste Vel Invste, Deo
Semper Jvstissimo, Dato, Negato, Violato**

Stengel, Georg

Ingolstadii, 1650

§. 8. Honoribus labores velut melle condiri.

[urn:nbn:de:hbz:466:1-48689](https://nbn-resolving.de/urn:nbn:de:hbz:466:1-48689)

pter fratres nostros, & non inferamus crimen
gloria nostræ. Verè generosi ducis idea erat
Iudas. Alij ignavi, & ad telas potius quam
tela nati, nihil pensi habent, quidquid fa-
ma ferat; dicantur timidi; vocentur puella;
& Phrygiæ, non Phryges; nominentur le-
pores, Endymiones; Sardanapali; strenui
ad pocula; inuiti ad proelia; nihil illos tan-
git; haud enim magni faciunt honorem, qu-
res suas sibi habere iusserunt virtutem, num-
quam facile ad bonum nomen reddituri. Vi-
enim ignis accensus sine labore seruatur, ex-
tingitus autem difficulter iterum accenditur;
ita famam tueri facile est, extinctam haud

S. August. facile recuperare. Quare paucorum virtu-
tib. 5. de
ciuit. c. 32. ad gloriam, honorem, imperium, vera via, il-
est virtute ipsa nitentium etiam à Catone lau-
data est. Idq; talibus potissimum concessit homi-
nibus ad domanda grania mala multarum gen-
tium, qui causa honoris, laudis, & gloria con-
sulerent patria, in qua ipsam gloriam require-
bant, salutemq; eius salutis sua præponere non du-
bitarent, pro isto uno vitio, id est, amore laudis
pecunia cupiditatem, & multa alia vitia com-
primentes, ait S. Augustinus.

§. VIII.

Honoribus labores velut melle condiri.

5. La-

5. Labor omnibus rebus magnis annexus, honoribus mitigatur, qui si sperati non fuissent, nullum umquam Herculem, nullum Iasonem, Theseum nullum habuissemus. Quid enim Herculem ad tot adegit labores, nisi famæ sitis? Quid Iasonem & ceteros Argonautas, ut primi fragilem committerent pelago ratem, & ad vellus aureum aspirarent, nisi gloriæ cupiditas? Hanc viserunt

Phasidis in ripa stantem iuuenesq; vocantem,

& neque saevas maris tempestates, neque metuendas draconis vigilias timuerunt. Quamquam autem isti tales in eo errarint, quod virtutum suarum finem mercedemq; in laude ponerent, quemadmodum &

*Cum saeum cupiens contra contendere Catull.
monstrum,* de Nuptiis
Pelei &

Aut mortem oppeteret Theseus, aut praemia laudes: Thetidos.

multi tamen sunt alij, qui tametsi altiorem negotijs suis scopum præfigunt, multum tamen etiam roboris ex honore, labores officiaq; comitante, adipiscuntur. Si enim tam multi horrent munera ac dignitates honoratas, ob onera periculaq; ijs velut

Herculeo nodo affixa, quid facerent, si homines decessent? Ut ergo amaras pilulas inaurant Pharmacopolæ, ita Deus grauiatque onerosa officia honoribus ornata reddit dulciora. Et quemadmodum nulla umquam mater tot molestias ab infante suo pateretur, nisi amore labores omnes temperante; ita vix quisquam sustineret incomoda regiminis, nisi accederet amor honoris, qui, velut baculus sustentat senem, fulcit sarcinas magnas humeris baiulantem. Hac de caussa coniunxit Deus labores & honores, ut illi per hos dulcescerent, isti autem ignauis per illos amarescerent. Quinicus Camillus, teste Lampridio, antiqua familiastator, homo delicatissimus, rebellionē moliebatur, tyrannidem affectans. Id cum Alexandro Imperatori renuntiatum esset, statimq; probatum ad palatium eum regauit, ejq; gratias egit, quod Reip: curam, qua bonis viris recusantibus imponi solet, sponte reciperet. Mox ad senatum processit, ac tanti sceleris conscientia trepidum consortem Imperij appellauit, in palatium recepit, ornamentis Imperialibus, & melioribus, quam utebatur ipse, decorauit, perfectionis comitem adhibuit. Cumq; Imperator ipse pedibus iter faceret, innuitus & Quinicum delitius asuetum

suetum ad laborem, quem post quinque millia
passuum cunctantem equo sedere iussit. Cumq;
post duas mansiones equo etiam fatigatus esset,
carpentio imposuit. Hoc quoque respuentem, ac
Imperium tadio laborum recusantem; deniq;
& mori paratum dimisit, ac militibus, à quibus
Cæsar præcipue diligebatur, commendatum, ad
villas suas tutò abire iussit. Sic illi commonstra-
uit, quid esset, gerere Imperium. Nimurum si-
milis musto absinthium habenti est omnis
dignitas, qua vel est dulcis amarities, vel
amara dulcedo. Hæc mixtura nisi esset, vel-
lent omnes imperare; nunc labor multos
absterret; qui rursum nisi & mel suum ha-
beret adiunctum, Imperium plerique detre-
starent. Sapienter Saturninus, hortantibus Brus. lib;
militibus, ut Imperium susciperet, aiebat, 3. cap. 13.
Nescitis, o milites, quantum mali sit imperare;
gladij ut appendentes ceruicibus immineant: ha-
sta vndique, spicula, ipsi custodes timentur; ipsi
comites formidantur; non cibus pro voluntate;
non iter pro authoritate; non bella pro judicio;
non arma pro studio.

§. IX.

Honoribus homines conciliari.

6. Mille sunt modi, quibus homo homi-
nem potest offendere, inter præcipuos au-